

# An Oregon 1115 Medicaid Demonstration Waiver: Ew An Ngeni Nonnopokun Pekin Health

Oregon mei nounou ewe 1115 (a) Medicaid Demonstration Waiver ren ekkesiwin sefanin usun ew an ngeni an epwe foruta sopwosopwun angangen pekin health epwe nonnopok. Ewe Oregon Health Authority (OHA) a fen tour ngeni met pworous seni aramas ese nifinifin ar tingor pwe OHA epwe nounou ei taropwen ekkesiwin sefanin waiver pwe epwe pusei ngeni ewe system ren pekin health epwe nonnopok. Usun ren, OHA mei wanong tingorun ngeni ewe mwuun federal ren ekkewe onnuk mei ekkesiwin kich mei nukuw pwe epwe forata ew minafon system ren pekin health, usun ren an epwe soresefani met met sokkun mei fifis me mwan me met sokkun angangen pekin health ese nonnopok pwokiten seni ar anonga won ian ekkewe aramas re feito seni ian.

Met wosesen anongonongun ei waiver an epwe eochueno nonnopokun angangen pekin health, pachenong an epwe anonopok ngeni met an ekkewe mwiichin Tribal mochen, ren ar repwe:



Anapano sopwosopwun me nonnopokun touren aninisin coverage



Eochueno met angangen pekin health ren ar repwe each ngeni manaw me ekkesiwin pekin coverage



Mwokutuno ngeni ew sokkun nikinikin angangen pekin moni ren meinisin, me pwan awora aninisin pekin tumwun epwe nonnopok



Eochueno pekin health ren ar repwe nenengeni met epwe each ngeni an epwe nonnopok meren ekkewe community

## **Anapano sopwosopwun me nonnopokkun touren aninis ren coverage**

Pwokiten ren ewe sopwosopwun me nonnopokun touren aninis ngeni pekin health insurance ina met aramas repwe tongeni tour ngeni ren ewe aninis ir mei menei epwe anisir ar repwe nomw nge pochokun. Kich mei sinei pwe aramas ir mei sakono enuwen unucher me ekkewe community ir mei kon mefi weiresin osupwang ren faniten an ese pwung aninis ngenir pwokiten nonnomwur ir ekan napengeni ekan kukkun kougoun health insurance re nonnomw won. Met kich mei fori ach sipwe kutta met epwe tongeni awesano ekkei sokkun touren aninis ese nonnopok ren met angang sia fori an epwe kanapeno ewe coverage me aninis ngeni meinisin semirit me mei mwuk mei tufich ngenir non Oregon.

SOPWENO NE ANEANI

### **Eochueno met angangen pekin health ren ar repwe eoch ngeni manaw me ekkesiwin pekin coverage**

Ewe data mei pwarata ekkewe member ir mei watte ngenir osupwangen ei angang me non ekkewe kinikin aramas ekan nap ngenir an kouno senir coverage me pwan an epwe tour ngenir aninisin tumwun fansoun a wor ekkesiwin ngeni met nonnomwur me pwan ekkesiwin won ewe system, usun ren chon nomwnon kanopwus ika non ewe pioing an state. Ekkei mettoch mei fis minne mei osukosuka metewe emon a fen nonnomw won mei angawano nonomwun ewe aramas me ewe system. Ren an epwe kawor tichikin pekin aninis pachenong an epwe kanapeno an emon epwe tufichin epwe member non ewe fansoun mei wor ekkesiwin ngeni nonnomwun, kich mei tongeni fori pwe repwe nomwono chok non ewe coverage, mei fori met kewe angangen pekin health mei auchea ngeni nonomwun ewe aramas me pwan fori pwe epwe mecheres touren aninisin tumwun me safei, ina met epwe eochueno nonnomwun pochokunen aramas. SOPWENO NE ANEANI

### **Siiwin ngeni ew sokkun nikinikin pekin nounoun moni**

An epwe anonno ngeni pwan ekkoch state, Oregon a fen wor ukukun watten moni mei nukunukuno seni ewe angang kich mei fori fan iten medicaid. Ach kewe CCO ir mei fori pwe met kewe epwe minafon ekkiek me eoch niiwinin. Ach sipwe chok komwochuno won me forata met ach angang non an epwe fetaneoch, sipwe sopweno ne fori ewe system minne epwe tongeni eoch ngeni an epwe wor nonnopokun pekin health me eochueno pekin health non ekkewe community nap seni ach sipwe momoni chok angangen safei me aninis chok. SOPWENO NE ANEANI

### **Awora aninis ngeni nonnopokun pekin tumwun**

Ach kewe angangen pekin tumwun mei fori pwe pwe wor angangen aninis ngeni nonnopokun me toureochun aninis. Ekkewe member non OHP me ekkewe chon ekkewe community ir mei sopweno ne ereni kich pwe ewe angangen nonnopok ina met sipwe kon nenengeni non unusen ewe system. Sipwe fori an epwe ekkesiwin met ewe nikinikin kouk ach kewe CCO mei nomw won ren ar repwe nengeni met kewe mei eoch ngeni pusin nonnomwur me toureochun ren met me kukunutiw ren pekin health me pwan forata minafon sokkun angangen nonnopok me non ekkewe CCO ren nikinikin kouk ir mei fori an epwe awateta pekin health. Ren ach fori ekkei mettoch sia tongeni fori met epwe och ngeni fetanon ewe system ngeni met epwe fis an epwe wor nonnopokun angangen pekin health. SOPWENO NE ANEANI

### **Eochueno pekin health ren ach nengeni metekewe epwe eoch ngeni nonnopokun pekin health me ren ekkewe community**

Ach iwe system mei tongeni fori met epwe anisi an epwe eochueno met kewe mei efisi an esapw nonnopok pekin health me non ekkewe community. Fiti ach sipwe nengeni met aninis epwe nonnopok, sipwe eineti sefani ekkewe monien aninis me pwan ekkewe pochokunen finata kokkot me non ekkewe community. Fiti met ei kich mei nenengeni me non ekkewe community an epwe awesano, sia nukuw pwe sipwe tongeni nounou ewe monien aninis pwe epwe eochuno met kewe sokkun mettoch mei eppeteti eochun pekin health me nonnopokun pekin health. SOPWENO NE ANEANI

## Anonopok ngeni met an ekkewe pekin Tribal kokkot

OHA mei fori pwe epwe angang fengen me ekkewe tiuw Tribe non Oregon ekkewe mei afatafat meren federal, me pwan ekkewe Urban Indian Health Program (UIHP) ren ar repwe kutta ika ifan sokkun angang repwe fori an epwe anisi met ekkewe pekin health ren Tribal ir mei mochen angang fan itan me repwe pwan awora sufonon met pusin eorenen ekkewe pekin Tribal ren met ir mei fofori me pwan enenia met nefinen ew mwuu ngeni ew mwuu ren nefinen ewe mwuun me ewe state.

OHA mei nukuw pwe masowen ewe onnuk epwe emweni ngeni ewe 1115 (a) ekkesiwinin ewe Demonstration Waiver ren an epwe akkoumwa angangen pekin health epwe nonnopok, awora aninis epwe kamou non nonoueochoon, me fori pwe epwe weweoch met mei auchea epwe murinono ngeni ewe Medicaid fan iten aramasen Oregon. Nouch iwe waiver mei ekkesiwin ina met mei auchea me non kinikinin an state iwe angang minne mei foruta an epwe anomwu nonnopkun pekin aninis nukapan nge awateno coverage, me pwan eochueno pekin health care epwe och me niwinin epwe chok nomwono won ukukun.

OHA mei anonga masowen ekkei onnuk won watten met an aramas ese nifinifin pworous won non ekkewe ier sia fen tou seni. Kich mei anongonong won ekkewe stakeholder me

aramas ese nifinifin ren ach sipwe esinesin ekkewe onnuk kich mei wanong tingorun an epwe sopwono ne eochueno ewe Oregon Health Plan non met an epwe eoch ngeni nonomwun me pochokun aramas non Oregon. Kich mei etiwa met pworous mei tonong fan iten ekkei angang minne mei afatetiwa me asan me non masowen ekkewe taropwe. Ka tongeni atourato mefiom ese nifinifin fansoun won email

[1115WaiverRenewal@dhsosha.state.or.us](mailto:1115WaiverRenewal@dhsosha.state.or.us) ika omw kopwe fiti ew ekkewe mwiich ngeni aramas ese nifinifin ren omw kopwe wato mefiom. Ew pwinin maram ren ekkewe mwiich ngeni aramas ese nifinifin ina mei nomw won ach iwe webpage [Oregon.gov/1115WaiverRenewal](https://Oregon.gov/1115WaiverRenewal).

En mei tongeni angei ei taropwe non fosun fonuwomw, echo mei mesemmong makkan, makken braille ika met sokkun ke mochen. Atoura mefiom ngeni ewe Community Partner Outreach Prokram ikei [community.outreach@dhsosha.state.or.us](mailto:community.outreach@dhsosha.state.or.us) ika kokkorir won nampa 1-833-647-3678. Kich mei etiwa meinisin chon koko, en mei pwan tongeni kokori 711.

## An Oregon awewen nonnopokun angangen

Oregon epwe tongeni forata ew an system ren pekin health ewe epwe fori pwe angangen pekin health epwe nonnopok ngeni an aramas repwe tongeni tour ngeni aninisin health me aninisin inisir nge esapw wor an epwe pekingaw ngenir ren fan iten ir seni meni mwichen aramas, ian re feito me ian, foos ir mei kapas non, tufichingawen an inisir tongeni, nefoongur, sokosokun inisir, ika ir mwan ika fefin, nonomwun ar tufich, nonomwun ekkei community ika pusin ir, ika pwan ekkoch sokkun mettoch epwe forata nikininin nonomwun aramas.

An epwe pwonueta nonnopokun angangen pekin health mei auchea epwe sopwosopwono angang fengen me non meinisin ekkewe neni me kinikin me non ewe state, pachenong ekkewe mwuun tribal pwe repwe tongeni pworous won:

- An epwe nonnopok inetin ika inet sefanin aninisin nongonong me nemenem; me pwan
- Sineni, etipeew fengen, me opwungusefani met a fen piin fis me met mei taitap ngeni ekkewe angang ese pwung.